

Saksutgreiing:

FN SINE BEREKRAFTMÅL - STATUS I VESTLANDSFYLKA

Sakshandsamar: Geir Sør-Reime Rogaland

Vedlegg: Bærekraftsrapport for Buskerudsamfunnet
Towards a sustainable Europe by 20130

Bakgrunn

FN sine bærekraftsmål frå 2015 og UNFCCC - United Nations Framework Convention on Climate Change (1992) er basis for miljø- og klimaarbeidet over det meste av verda, også i Vestland fylke.

Knytt til desse er Kyotoprotokollen (1997), Parisavtalen (2015) og COP – Conference of the Parties, som drøfter gjennomføring av avtalane.

Bærekraftsmåla er grunnlag for mange lokale og regionale miljø/klimaplanar. Buskerud fylkeskommune fekk i samarbeid med Asplan Viak i 2018 utarbeida ein bærekraftsrapport som ser på utviklinga i Buskerud med utgangspunkt i FN sine bærekraftsmål.

Bærekraftig utvikling blir her definert som forvaltning og fordeling av tilgjengelege ressursar slik at dei er til nytte for både nåverande og komande generasjonen og for alle grupper i samfunnet.

Rapporten ser på korleis dei utviklingstrekk ein finn kan relaterast til FN sin bærekraftsagenda og dei 17 utviklingsmåla i denne. Rapporten gir ein status på korleis Buskerud utviklar seg bærekraftig både økonomisk, sosialt og i høve til miljøet.

Buskerud fylkeskommune vil gjerne dela røynsler både frå arbeidet med rapporten og det dei har erfart etter at den var ferdig med andre fylke.

30.januar i år la også EU-kommisjonen fram eit dokument kalla 'Mot eit bærekraftig Europa i 2030' som m.a. har eit omfattande vedlegg som gjev status for EU i høve til FN sine bærekraftsmål.

Kvifor ein statusrapport

Buskerud understrekar at bærekraftig utvikling i stor grad handlar om å sjå ulike utviklingstrekk i samheng. Utarbeiding av ein bærekraftsrapport vil difor kunne

vera eit utviklingsarbeid knytt til meir heilskapleg politikkkutforming og vera eit nyttig verktøy for fylkeskommunane sitt arbeid dei neste åra.

Buskerud seier at formålet med analysane er å gje eit breidt bilete av status og utvikling i Buskerud og hjelpa oss til å ta gode grep for å auka livskvalitet, folkehelse og næringsutvikling, samstundes som ein minskar presset på klima og miljø.

Mellom dei interessante funna i rapporten kan nemnast:

Fattigdom: Talet på hushald som kan definerast som fattige har auka frå 9,4 % i 2010 til 11,2 % i 2016.

God helse: Personar med trygg tilgang til rekreasjonsområde er noko lågare i Buskerud enn resten av landet.

Utdanning: Dei siste åra er det fleire som gjennomfører vidaregåande opplæring på normert tid.

Jamstilling mellom kjønna: Kvinner arbeider i større grad deltid samanlikna med menn.

Reint vatn: For Buskerud er det svært gode resultat når ein ser på kor stor av befolkninga som har tilgang til vatn.

Innovasjon: Forsking, næringsliv og nyetablering av føretak viser ei positiv utvikling i Buskerud.

Bustad: Bustadprisane i Buskerud er samla sett relativt låge.

Forbruk: Buskerud ligg relativt høgt når det gjelder mengda hushaldsavfall per innbyggjar.

Klimaendringar: Resultata syner at ein i Buskerud ikkje nærmar seg nasjonale mål om vesentlege kutt i utsleppa.

Kriminalitet: Det er ei merkbar nedgang i melde lovbrøt per 1000 innbyggjarar.

Røynslene frå Buskerud

Internasjonal gruppe har vore i kontakt med dei ansvarlege i Buskerud fylkeskommune for rapporten.

Dei vil meir enn gjerne dela sine røynsler med Vestlandsrådet, og bidra til at ein rapport for Vestlandfylka blir enno betre enn Buskerudrapporten.

Dei har brukt rundt 500.000 kroner på konsulentbistand til rapporten, i tillegg til interne ressursar.

I Buskerud arbeider ein no aktivt med oppfølging og vidareutvikling av rapporten.

Konklusjon

Fylkesrådmannen tilrår at Vestlandsrådet gjer vedtak om å starta prosessen med eit forprosjekt for utarbeiding av ein statusrapport og ber fagfolka i medlemsfylka utarbeida ein oppdragsbeskriving for eit slikt arbeid, inkludert ei kostnadsrame.

Framlegg til vedtak:

Vestlandsrådet ber om at det blir utarbeida oppdragsbeskriving for ein berekraftsrapport etter mønster av Buskerud sin, som vert å leggja fram for Vestlandsrådet til godkjenning

Inge Smith Dokken
fylkesrådmann

Arne Hope
sekretariatsleiar

Dette dokumentet er godkjent elektronisk og har derfor ingen signatur.